

Liebe Naturfreundinnen und Naturfreunde!

O ja, in der Stadt Zürich lässt sich wandern! 13 Naturfreundinnen und Naturfreunde fanden den Weg in die Stadt Zürich und darüber hinaus. Oder doch immer mittendrin? Nun ja, ich versuch's ich mal mit einem Gedicht anstatt mit einem Bericht.


En Aargauer in Züri, das musch erscht mal machä,
die meinet mir Zürcher sind ja nöd ganz bache.
Trotzdem sind 13 AG- Naturliebendi isch schönste Städtli cho,
und händ mit offnem Muul grossi Bäum und sanfti Bächli mitübercho.

Die witi Uusicht uf em Züriberg in richtig Klote die wird gnosse,
nur aber no dä grosse Erchlärigsbedarf isch unübertroffe.
Die Beiz bim Toblerhof macht halt erscht um dä Mittag ume uf,
drum ässet mir jetzt die 13 Sandwitsch halt ohni Kaffi- uf.

Doch hallo, die zweiti „Chnelle“, de Ziegelhof isch doch hüt offe,
bim Laufe und bim Chueche ässe sind Naturfreund eh unübertroffe.
Zahlt hät Getränk hüt hät **Miranda** mit bestem Dank für ihrem Estand,
nur dä **Thomas** hät nöd glost und gfröget: wo, wo... isch de Wi- Stand?

Zu gueter Letscht isch die fröhlich Truppe guet acho bi de Uni Irchel,
känne hät dänkt, das d'Stadt voll isch mit Uni's, Bäum und Eichle.
S' blaue Züri Tram bringt eus vom Irchel zruck zum Bahnhof id de City,
und all händ g'schowore: Ich chumme mich wieder mit... isch schönste Städtli! 😊

Ab dem Hauptbahnhof Zürich – den Mühlesteig über die Limmat – ins Niederdorf – zur Zentralbibliothek – durch das Gymi Rämibüel hindurch – nach Hottingen – am Wolfbach und durch das Sagentobel - um den Zürichberg am Waldrand ob Hirzenbach zu einem Kaffi – und über den Kultkreis von Schwammendingen (der Heimat von Harry Hasler und Fredi Hinz) zur Uni Irchel...von dort mit dem Tram der Schaffhauserstrasse entlang zum ZH HB zurück. „ZÜRICH“ mal anders!





v.l.: Ursula, Beatrice, Doris, Röbi, Gabriele, Cornelia, Thomas, Peter, Esther, Miranda, Claudia, Hans



Der tosende Wolfbach...





Sandwichpause mit Aussicht...



... in Richtung Kloten, unten ist Dübendorf



Kurz nach dem Tobelhof...

„So- Wanderig- ZH Wolfbach“ „Mitten in der Natur der Stadt Zürich“ 15.10.2023



Im Restaurant Ziegelhof...und d'Miranda hät zahlt, Dankä 😊



„So- Wanderig- ZH Wolfbach“ „Mitten in der Natur der Stadt Zürich“ 15.10.2023



„Züri- Tram- Parade“



Auto und Bilder: Jens, andere und Internet (die letzten 2 Bilder)